



龍雲先生文集卷第十二

安成劉弁偉

啓

謝解啓

儒林籲俊敢冀於並遊士版鄉書遽登於上列初
非自信中亦多兢竊以大道之在天下也莫適而
非真先王之用人群也無自而不可苟惟善之以
教要必求其所長既有六序學校之制作其材而
使之新又因勸沮掄棄法驅其後而為之範經
不專門而士多自得之真趣學無異師而人致可

勉之中材賢能繼踵以賓興豪傑望風而振起澤
浸久而不竭功愈被而隆迨去聖愈遠而道德
裂於經術之不完異端並起而靡敝酣於人心之
既溺故家遺俗而失淵源之漸竒言異行而無誅
禁之防膠墜緒於土梗之既殘而甚者昧適時之
大方擅多岐於軌轍之殊騁而孰不乖同歸之中
道且道本一致歆向父子也而徂於同異之私蓋
性非他求緩霍兄弟也而牽於呻吟之弊歟啓寡
聞者往往而是離實學偽者人人有之抗歲月於
有限之終身費精神於無補之末用要之而無宿

得焉而不精振古以還其失彌甚適遭上聖之撫
會遠覽前世而紹隆去區區無用雕篆之空收
歷歷可觀聖賢之奧旨張旣設之科而厭之以畢
足之榮願寧已故之學而授之以不二之師傳上
自京師則旣已置員下迨郡國則莫不有教時其
三歲之始取以一日之長遂使各以類求是用結
登畿之綬將令由此途出無非收入穀之英固宜
得不常有之偉人且以爲未易量之盛選如某也
生而不惠少也多畸能無毫髮之足稱責有丘山
之自累揣摩投策而不適世用薄曲謀生而動貽

日憂鬻技以百金已意他時之必售吹劍者一吹
曾何微韻之足聞弊衣塵垢者二十春大學齋鹽
者五六載轉蓬無定一夢飄泊之孤蹤盡狗非工
數幅殫殘之緒業塵埃徒被冠履不寧任信而已
矣而駭之者指以為姿肆俯仰狗俗笑言自若寄
意而已矣而疾之者議以為狂踈而又以一身當
衆人風波之衝九十載居有司繩墨之外自知命
也其謂人何豈意三獻於楚邦尚鑒荆山之璞一
過於伯樂遂空冀北之羣聲因高而加隆矢遇風
而彌迅為儒魯國宜不止於一人論功平陽猶取

先於諸將原其所自良亦有由茲蓋伏遇某官衡
鑑至公菲葑博取雖有形而必度無下體之或遺
凡有滯淹孰不振起熙如陽春而物被其賜者無
隱約之間涪若溟渤而川受其助者無大小之殊
故使孱庸之資得預甄升之數如某敢不奮曹沫
劫齊之氣薄償喪地之羞脫孟明謝晉之駮誓雪
中流之憤少酬微志上答洪私過此以還未知所
措

謝解魁啓

邠鄆故步失已彌年赤水遺珠得之昨日遽超淪

等裁灼心顏竊以學將為人仕貴得路燕籥雲之
敏者志何有於伏櫪資運海之擊者勢不存乎枋
摑在物則然其誰無意乎抱關不肯錄錄而載質
蓋嘗皇皇經綸暫屈於壯圖翰墨決然於下策三
府辟召漢士知名十上苦辛唐人相弔洪惟
睿聖之籲俊參以聲律而張科主司熟視其中程
郡守力為之勸駕一一之天球在東序紛紛之振
鷺集西雖黃卷素心青雲餘事謂為獨拔宜屬兼
該如其者情昧性資闕疎人品專焉無所苟而已
學也亦孰知其他越自卅年粗知筆氣箕裘爰紹

不意李公之復生頭角頗驚皆謂郝氏為有子於
南之仕途徑雖捷少室之山人價徒高無補蹉眈
谿成落魄憊是取贖勉哉應書鼓曾中之氣而僅
盈積後來之薪則居上獨慚高固之鼓餘勇誰若
票桃之拜冠軍前抗第鼠旌魄飛息鳥伯凡仕路
已捷狂鳴李弟英躔仍倍逸駕遺耻就刷迷魂頓
還衆固揶揄一朝粉澤董生之賦世不遇初者可
憐元亮之歌歸去來亦六自嚙敢意疊疊之巧遽
成借一之功茲蓋伏遇某官揀門盛時推轂多士
山玉移潤秋陽借輝尚大而無所不容行中而歸

則斯受遂令羣瑣輒冒黜必其敢不冷汰智源別
剡學叢回春於律取敵以高謝倦游聊一勇往
不類雷門之鼓徒以虛聲庶為陶壁之檢使知速
化過此以往未知所裁

謝及第啟

試言無補方將求退於知難為幸則多旋見兼收
而待用冒寵滋甚循涯已踰國家以百世光明盛
大之隆名振五代調弛決剝之墜緒永念求治洪
惟作人士能自脫於顛蒙魯固之餘俗亦後散於
放擗作後之習爰逮上聖更新遠圖刻去隋唐聲

律無益之科雜用商周學校致養之法每當三歲
而下詔許以一經而應書參能於小已所以攬衆
而無遺發問於臨時所以掩人之不備既開之以
胸臆激發之憤懣又稽之以精力一作心探討之淵
源以上則有弼諧輔相之任待豪傑為異時必得
之榮以下則有米鹽簿書之職技淹滯為終身不
廢之漸爵祿方且四出巖穴為之一空在異人則
不俟乎聘招雖中材焉為足以成立華門奎疑竇
之下無復平日之阨窮駟馬錦衣之徒類皆新進
之榮耀末俗改彌壯之觀故里駭更增之輝然大

則斯受遂令羈縶輒冒黜收其敢不冷沈智源別
剡學鼓回春於律取敵以高謝倦游聊一勇往
不類雷門之鼓徒以虛聲庶為陶壁之檢使知速
化過此以往未知何裁

謝及第啟

誠言無補方將求退於知難為幸則多旋見兼收
而待用冒寵滋甚循涯已踰國家恢百世光明盛
大之隆名振五代調弛決剝之墜緒永念求治洪
惟作人士能自脫於顛蒙魯固之餘俗亦浸散於
放擗作侈之習爰逮上聖更新遠圖刻去隋唐聲

律無益之科雜用商周學校致養之法每當三歲
而下詔許以一經而應書參能於小已所以攬衆
而無遺發問於臨時所以掩人之不備既開之以
胸臆激發之憤懣又稽之以精力心一作性探討之淵
源以上則有弼諧輔相之任待豪傑為異時必得
之榮以下則有米鹽簿書之職技淹滯為終身不
廢之漸爵祿方且四出巖穴為之一空在異人則
不俟乎聘招雖中材焉為足以成立華門奎疑竇
之下無復平日之阨窮駟馬錦衣之徒類皆新進
之榮耀末俗改彌壯之觀故里駭更增之輝然大

道之廢興也雖然京本作要之亦各有時而君子之出

處也於此京本作鳥可以無悔矯七西山之霧豹競奮

其潛寥七在漢之冥鴻耳羅而下一勵壯節決為

顯塗青雲指期而可躋白首轉食而何愧得之雖

曰有道居者尤難其人如某者單平孤蹤齷齪下

品生當太平京本作平世而初不廢學出自晚節而僅

能知非浩博六經之津涯過目隨失絲綸百氏之

技葉觸塗生疑師友謂之無堪父兄許其更進跪

施京本作軌萬狀萍蓬十秋行止非人而任天得失

自是以聽命轅駒局促而更覺每下杜木擁腫而

誰憐非材多兢彌劇於負芒克苦幾同於嘗膽抗

塵容而走俗狀益厭薄遊登金門而土玉堂不絕

榮望曩自計偕而入報偶同俊傑以並馳力既不

量亦亦可料爛熳春花之九十豫指歸期間關帝

里之三千初迷去路妄亦應敵敢圖成功豈意技

每出而未窮氣再鼓而滋奮奏名禮部偶處於下

陳著籍宸庭復陳於中列初類怒蠅之見式僅同

倦鳥之驚還豈惟遭遇之適然良由獎引以及此

茲蓋伏遇某官仁於成物公以存心棄小瑕於追

琢之中歛寸長於繩墨之外寒芟豫霑於膏澤殘

隙亦被於容光借之樂善之片言成此育材之大
助遂使鉉刀之割輒從尺蠖之信某敢不激懦志
於夙昔喪沮之初收微效於蹉跎成就之後上酬
君造次答已知過此以還未知所措

謝中宏詞啓

右弁啓蒙恩以弁宏詞入等減二年磨勘仍除前
件官者功名爵祿常恐造物之忽人翰墨文章獨
笑腐儒之左計初如大行孟門在前而驅跛鼈者
責之此一無以勝任恩若洞庭彭蠡方至而挹滄浪
者濯之使徐此一無清得則居多覩將安寄且漢宗

兼取以數路而唐人連中者八科名實辨故不使
病主司途轍優故因以勸能者洪惟上聖之有作
申以先朝之未行乃設詞場一作爰代制舉九品

以一作

已

往則皆課密以俟一歲之始則間聆風而

趨凡砥名礪節之流盡提槩持鉉之手靡羞馮婦
之搏虎切陋朱泚之屠龍大而經史之發揮近則

祖宗之故實支離他學奚啻公孫數萬之詭辭瑣

尾冥搜間及虞初九百之小說表章序記之騰踏

銘檄箴頌之蕨蕤吮嗽元和粃糠正始青錢萬選

有心者所同丹桂兩春所京本得者無幾要須刻

燭倚馬之敏乃副當宁及席之求如弁者么麼賦材衰寒綴族含蓼食蘖屢更苦辛鏤冰畫脂殆少成就愚賈操金而無益於學枯魚銜索而所惜者時僮俛代耕夤緣筮仕州縣徒勞人耳豈出本心富貴吾自有之僅成虛語一昨引對天陛滯留神州泛泛類水中之鳧纍上如喪家之狗薪芻價高而益蕪田園蕪沒而將歸稍激懦衷猥偕群俊夜中行獵誰識灞陵之將軍跨下期人半是淮陰之年少巨題鎮而萬千回首私魄禿而六鷓退飛固自無竒僅能成綴魂招楚暖律移鄒驚三京本作經

二任於數

京本

千里之餘收兩科於十七年之後

寘諸首善之地賁以育材之榮曾其有由悖不自

定茲蓋伏遇僕射相公斯民先覺

京本

作知吾道

主張作股肱耳目而質元首之明取飲食教載而

任大臣之事台光燭被不間鄙居鈞力陶成曾微

窳器廟堂銷未形之患邦家立太平之基遂使孱

愚亦歸甄採弁敢不紬繹故學淪䟽初心收之桑

榆度或未晚困于艱隄焉取身間懲五短之易

窮尚冀三餘之足用方君相有為之日行或使之

在犬馬欲報之情死而後已過此以往未知所裁

下情無任感恩銜遇激切知歸之至

謝主文曰斯民先覺吾道主張權衡持一世之備
水鑑得大形之正因其行事焉而行志取所恕已
者而恕人和氣每餘有如青春之在桃李公心備
盡不以下體而棄菲葑遂使孱愚亦歸甄揀

謝改官啓

右弁啓蒙恩授前件官者宵露時雨疏汪濊於九
天流萍繫匏拔泥塗於一日繇中士稍班於上士
見遠臣所主者近臣腰間豈能無愧乎銅章墨綬
之榮墀下不復自比於馬走牛醫二本作牛醫馬走之賤

語大方之家則足以竊笑顧小已之得則未為背
馳如弁者孤根易搖燥石難汗海運六月有心者
所同君門九重無路而自達始也汨海縣沉冥之
簿領既而困李官冷落之齏鹽疾風忽攪於靜枝
故吾旋失於交臂肥頭厚面無瞳京本作童相之可憑
小點大癡直窮鬼之未送涸鱗京本作鱗馬斗升之水
飛鳥慳腹背之毛萬里一身四官六考猶幸比陶
匏薦帝園壇之右仍愧旅苞茅充庭方物之間置
之儻來理或可必驚魂未定僅出選人之火坵俚
語相傳重登布衣之桂籍茲蓋伏遇恩主運使大

夫印本無在怨不任察達已必達人和氣居多有

如青春之仕桃李公議所至不以下體而棄菲葑

物取而為低昂士卜而知榮謝惟善人能舉其類

與大夫同升諸公公敢不擺倦客之塵鞭駑馬之

駕退俟盤錯收之桑榆底忠京本清動儉之節以

踐所學之言杜苟且因循之私而宿自公之實亦

有人民社稷往服乃官譬猶淮濟江河庶通諸海

上酬洪覆次答鄉雲過此云云

謝運使度支舉京官啓

右某伏蒙運使度支舉某充京官任使者彌年竊

食甘為券外之衰遲大吏元本作使拔材使應需頭之

論列寵驚意表醜溢顏初竊以斯人固未易知惟

善為能萃類情貌猶山川之異氣俗有楚越之殊

箚紳寔鯨鯢淄澠奚辨冒昧而據則不惟賢否之淆

混侵尋以久則亦繫朝廷之重輕厥惟升沉正在

甄別於是考諸平日之選調委以本路之監司大

則鴻鸞鶚麟京本麟而於此有聞小則擲比鱗次而

猶將自効苟應茲選是為至公如某者斥鷃卑飛

蒲盧晚肖學既謀道則因以謀食仕非為已則亦

將為人青雲詎京本人於壯圖白屋初驚於崛起

米寸祿養指何啻於失肩妄意古人畫虎弗成
而類狗昨緣濫中偶竊冷員懷哉朝暮之齏鹽疎
矣方圓之鑿柄片言華袞得則實難中道病擣過
者勿顧而又紛眼花而撫袞颯頭葆以驚簪青春
昔我而不央藍綬羞人而無色疇憐骭躄自審支
離豈意雅褒之私忽被孱涼之品茲蓋伏遇運使
度支及先內恕得戒遐遺借之餘光宛在隣壁取
彼下駟以充王閑某敢不惕是官箴攬茲俗駕拔
泥塗而思勇往食冰蘖以起孤忠期報所知將畢
餘願此恩莫重猶巨黿之戴三山他日有歸庶康

夸之從九鼎過此以往未知所裁卑情無任荷恩
銜遇激切知歸之至

謝王運判補發陳運使不該收使京官狀啓

京本題
王作田

右某伏蒙運判司封舉某充親民任使者數年邇
鄆方咲壽陵之失故步一日赤水不意象罔之得
遺珠道將行其在於命歟物未有無因而至者曾
何識技仍京本
作乃在迂愚如某者汨自昭之明牽多
駢之智憊矣獨齏鹽之官沉塊然絕筆墨京本
作塊之
生涯蒲盧祝形姑蚩蠹食衆謂獨冷以慚小知說

詩無補於解頤眠晝或嗤於便腹子雲患事強箸
一書元亮浩歌就荒三徑昨緣故歲之冒昧間奪
大吏之品題施未報而嘆川功垂成而虧簣自審
有非其據方恐轉而之它時執適來天不終困亡
弓楚國遑郵餘入失馬塞翁竟成後福茲蓋伏遇
運判司封提衡公道用柅怒心變寒谷於再春還
此魂於舊幹謂鵲枝甚穩易置則不若使安而鷄
肋故微棄去而有如可惜張之欲無舛其望挽之
欲皆得所歸某敢不勇往孤忠繕完未學勤晚報
於羈勒凜初節於水霜問津雲潢揮手塵點京本

燕葵兔麥久得春風而動搖馬勃牛溲尚幸醫師
之收蓄過此以往未知所裁

謝田運判舉京官啓

右某伏蒙運判朝散舉某充京官親民任使者婆
娑卒歲類紅蟻戴粒而遊饘粥勞生慙羣蛛執象
而食正應置吾分於自爾何有處人情之必爭而
况摩肩率號於遺材推轂初難於大吏於此襄技
宜為寵榮如某者系本平沈姿非秀舉畫脂鏤冰
而窘材質含蓼食蘖以嘗苦辛世情炎涼分甘碗
脆以處困容眼青白時與儲胥而得憎蕭哀兩毛

蕪沒三徑、面護之人、至比之拙者、皮相之士、或過而笑之、加以充員、無補於師、傳牽課、殆成於書、癖荆州、髀肉坐失、流年漢上、柳圍晚驚、合抱顧茲、天幸豈即、人謀茲蓋、伏遇運判、朝散性、怒發中、鑒明洞、未以人、報國惟、吏便民、方其刺、舉於十、州初不、低昂於、一物過、齒簪烏、猥加丘、山決濡、轍之西、波揮泛、絃之南、弄某敢、不淪、疏故、智撥、拾壯、圖脫、身怙耳、之驚、屬回、首腥、腸之、鳴、嚇、弊精、黃卷、凜節、清冰、初九、拔茅、以彙、征自、辛難、遭之、郊翼、丈夫、蓋、輝而、事定、庶收、有補、之消、塵過、此以、還罔、識、收、措、下

情無任荷恩銜遇激切知歸之至

謝運判吳朝散發改官狀啓

跽迹學宮久以知其必棄飛章宸陛今乃出於適遭在揣分則未安顧塞責而何有竊以欲造華顯莫先事為一則聲聞騰踏超乎如驥足之不羈一則志尚豪爽卓乎如錐端之立見官粟茂聞於胃食吏課時應於可書苟就仕者皆出此徒京本則途則不過下兵環坐而止有壺簡一樂初慙於孟氏在上者亦易為力若夫藐是孤官置諸散員給使獨冷更甚於廣文地實使然理宜憊甚脫或有取

是誠何功如某者衡泌勞生縑緗晚晤少也迫更
侵之貧病仕而甞必起之風波箸書業殘正可束
諸几閣之上得性真率雅宜置於丘壑之中然猶
秋潦愧盈夏畦知病雲雨了忘於翻覆鑿柄姑聽
於方圓謂廢興命也豈甞在人而出處人也蓋亦
有命審此以決疾之反多矢人惟恐其不傷擠者
又從而下石拳竒蔭晚未還假道之虞羽翮風高
每怯退飛之宋敢圖推挽輒被孱涼茲蓋伏遇運
判朝散扶藪熙辰褰裳公道評外舊傳於月旦曾
次獨擅於陽秋育周雅之莪而能使在陵征義易

之茅而更門連茹曲逮寒峻亟為先容繇是收已
棄之斷而別傳青黃寬不掩之瑕而猥加追珠迷
魂弗此而還幹幽谷未律而先春某敢不驥意經
郭惕躬政檢借色續貂之狗尾還淳終雅之鄭聲
期振纓綉益窺霄漢不意公孫東閣之遇度越輩
流庶因豫子國士之知力思報稱過此以往未知
所裁卑情無任荷恩銜遇激切知歸之至

龍雲先生文集卷第十三

安成劉弁偉明

啓

代賀僕射呂晦叔啓

京本作狀
無代字

右某伏審祗膺中檢進督西臺遇常平奕葉之華
揆房杜不聯之右伏惟慶慰竊以駸嘏元化奮登
顯庸寄真宰於掌握之鑪錘攝要津於呼吸之關
鍵表表有丈夫之格業紛紛繫天下之安危自非
可人曷應茲選恭惟某官昂精瑞漢嵩鎮符周甚
矣壺遂之深中居然安世之默識竹帛三朝之事

業芝蘭十紀之門庭帝方欽念於股肱人皆想見其風采果回睿矚京本亟造京本台躔能執隼機曩久更於劇部涼本鳳池鷄木今復見於故家然而陰陽有待於節宣民兵更資於綏撫內則澄清百吏外則羈制兩隣若濟巨川既審象而登傳說坐鎮雅俗請拭目以觀謝安某夙荷曲全頃緣外補感風雲之際會初倍常情庶蒲柳之蕭衰預沾膏澤第深爵賀尚阻鳧趨云云

代劉漕賀文潞公啓寬去

右某伏審祗膺制命就起師臣急賢於君夫有為

之時圖任於官不必備之始邇遐均快宗社增安伏惟慶慰竊以關理亂者其惟軍本休戚者莫如國平則和之使協章乃明而欲宣厥有重權莫易元老恭惟某官昂精播粹崧鎮儲休公忠一身先後四世六戒有二而命義何擇達尊惟三而盛德居多日者辟穀眷良畋熊契尚林泉咲傲暫輟赤松之遊黼繡神綏再撫渭川之駕風雲盛旦簡冊前徽裴度繫當世之安危較春秋則甚遠孔光稱本朝之俊又方器業則蔑如曾未若擁日東桑拱星北極絕百僚而揆禮優五日而造朝力開經國

之壯猷徐下蘇民之膏澤有欲為玉留者初微出
晝之行無以我公歸兮徒切居東之望某頃操嚴
節出右寬恩暇闕典之歲懋欣微生之灑濯踉蹌
賀厦空慙短羽之樵櫛甕甍播材願附洪鈞之袂
北

代熊帥伯通謝司馬温公啓

西清十稔久塵禁掖之華南服一麾偶遂需頭之
請土冒黃而有社竹剖左以將符望溢寵初材微
寄外職在頌宣條詔至則存見吏民惟江右雅稱
浩穰而鍾陵實為都會控甌越一作閩而奠壤直牛

斗以分躔中外某布者殆十萬家遠近株連者餘
一千里今茲役弛歲輸之布法更日賀之醴桑榆
舒京本輸故老之暉饁餉走疲羸之嘆寢希獄訟更
起慈祥薰然樂郊死在隣境敢意衰遲之晚節猥
蒙寬假之休恩茲蓋伏遇某官匠物以春揆材京本
事作知鑑事君無非道者使人亦必器之掃積弊於
一映之餘回已安於九鼎之重謝安之起真有意
於倉生魏相所行要必稽於故事顧令疲繭亦預
挽推伏望借之涵濡須以歲月披常丹遺愛而觀
其撫字想孺子高風而俾之激昂他日自期不作

陶鎔之長物弊廬相望庶安桑梓之餘生

代賀李公擇遷戶部尚書啓

右某伏審擢能天陛峻秩民曹宣力帝念於股肱
賦命國資於喉舌在周則兼司會之職而視察作
高於唐則撫常伯之聯而荐揚橐絢紫荷次隣台
象駢來異數大愜輿情伏惟某官惟嶽儲靈自天
播粹諸公無以右者天子居然噐之軒昂白筆之
孤標騰蹕凹螭之穩步屬者驟膺宸獎進督邦成
賜衣雖識於元紘升殿共榮於善果主齒以上皆
書版於是亦足有為富貴於我如浮雲惟公可

無愧若某者聊嘈短韻撲楸下才誤蒙半面之知
猥當一道之寄賀雀適欣於成厦疲馬徒劇於戀
軒慶林交深悃悃曷既

代回賀蘇舍人啓

子由

右某伏審黼宸尚文綸闈煥寵雖曰本朝之故事
實為賢者之得君伏惟慶慰竊以侍從之班一時
盛選文字之職歷世難能必有雄深雅健之才卓
爾不羈然後討論潤色之地處之無愧旁驅巽號
上直星垣追古盛典揭諸光明則倬乎雲漢之麗
高天諭上德意歸之溫厚則熙如陽春之回品物

忠義之所加也尚足以感零涕之悍卒華藻之所
振也或至於棟閣筆之同僚體古人風有如傳昭
號大手筆有如李嶠王勣則立成五冊徐皓則兼
掌兩官用方遠猷尚有遺恨恭惟某官英躔間氣
冊府高流夔尚厚躬農黃許國剛柔素志而無所
吐茹堅白一節而莫能磷淄當世士大夫久矣慕
其風流在人賢不肖皆能道其姓字文章雄放如
造父駕騏驎而取道辯議灑落如神禹排淮泗而
傾東平日著書蓋嘗弗論楊雄班固而下少年發
策不意復見晁錯董朱之徒果然簪紱之通津忽

視鈞衡於頭步敢圖謙挹辱賜品題憐晚晚於物
外之餘齡慰於天涯之孤宦撫躬有寄沒蔭
知榮應龍翔而雲霧從方幸聖賢之相值大厦成
而燕雀賀度同民物之交欣

代謝政府啓

江城假守蓋承雅俗之文安計局除書忽自中天
而下逮力綿寄迫寵溢愧盈竊以盛世惟任是圖
外臺所繫尤重或興利除害以順民欲或揚清激
濁以肅官職獄訟特一作時賴於反平貫粒盛盈於
輸入且治劇一道必責成衆材而某孤愚寡儔汗

闕自效列郡之最嘗玷兩書從臣之章亟聞四刻
俄拜成命使臨列封然而章瀕未究於謗材楚句
輒更於初服疇温坐席載跋征韉京本不淹旬時
言就事後民俗龐固土風溥和茲蓋伏遇某官鱗
翼攀援菲葑採掇還贊遠伴於姬且開閣更甚於
平津台末輝光自有及微之燭鈞中造化悉成播
物之仁力致孱涼偶霑優渥夫何冒昧適當君相
材官之秋庶幾始終不負朝廷寬恤之意京本無
君相朝

賀呂司空啓

冊布內朝秩隆空土解廟堂之庶務專軍國之要
機伏惟慶慰恭惟某官昴星播粹崧鎮炳靈公忠
一身先後四聖智勇仁而成治則一德爵盛而兼
有其三裴度繫當世之安危孔光號本朝之後又
雖功成名遂亟辭龜組之榮然業鉅事叢未釋冕
旒之眷式正面槐之峻載加公衮之華二日一至
於都堂一月三赴於經席呂望之咬來渭水舊副
師瞻周公之老在京師終懷王室曾是慶門之盛
事併為熙世之元勳某猥以微生獲觀闕典踉蹌
賀厦空慙短羽之雛縱鈺甍播材願附犬鈞之袂

比

賀范右揆啓

光奉制書進符宰柄伏惟慶慰恭惟某官簪紳間
氣宗社元工局量淹宏聲猷藹茂竹帛四朝之事
業芝蘭數紀之門庭江左衣冠半居王謝西京文
物最盛章平爰丁舜且之重華適契尹躬之一德
增重潭潭之府聯輝兩兩之星笑談雍容足以謀
王體而斷國論樞軸運動足以熙帝載而亮天工
朝方耆德之是資人謂太平之復見躋俗夏子抗
身畢慶此其成功宜不淹日某賀深燕雀禮邈巾

構撫名器而識勲庸觀風雲而知感會已聞審象
初深若濟之旁求願比在鈞度託猶泥之瓊質

賀右丞啓

伏審光膺綸命進貳柄司忽從六曹俄正四輔伏
惟慶慰恭惟某官粹全業履膈臆忠嘉備古今難
到之完名究天人未該之極摯薛宣平日早聞數
器之能兼伊尹素心常耻一夫之不獲屢更中外
之寄獨結聖神之知果副僉言亟隆寵數居曳履
鳴玉之地陪攀龍附鳳之游民指不日之治安士
得斯時之矜式某頃緣孱朽獲備按廉黃蘗尚阻

於鳧趨丹慊第深於雀賀敷陳曷既踴躍知歸

賀右丞啓

伏審肅奉制冊亟濟初司伏惟慶慰恭惟某官六
德敦宗千齡感會憂國白首抗身青雲挺特公忠
雖強有力而不憚慷慨論列無賢不肖而皆知帝
念取庸人謂必相一昨宵形傳夢世急曹隨臺烏
之朝夕未賒池鳳之羽儀斯就坯冶一新之雅俗
障隄百廢之末流不意熙辰復見此日而某幸叨
陶鑄陪阻巾幗應龍翔而雲霧從親逢盛際大厦
成而燕雀賀辰託餘生

賀黃右丞 安中啓

伏審祗膺帝訓進貳國鈞伏惟慶慰恭惟某官表
著高流經綸茂器學問兼富早有絕人之才科第
連收遠出多士之右一昨動中台之夜色拂靈牙
之冠塵寵膺便蕃聯升宥密落落青雲之事業侃
侃黃閣之訐謨抗身臯瓊躋俗夏子京本作躋式
副望霖之衆願別收勅京本鼎之壯圖而某觀感
雲龍叢歡燕雀將以考古今得材之誠莫如誦中
和布政之詩敢獻丹衷庶同愚衆京本云考古今
正人誦中私布政之詩庶同愚衆

代運判賀左丞啓

伏審茂膺中檢進轄左臺朝廷之勢益尊民物之情胥悅伏惟慶慰恭惟某官簪紳間氣宗祐元龜世懷開濟之事功衆識始終之忠赤頃持白筆涇渭一判於正邪晚步黃扉爨鼎繼收於勲業然而物論未恆帝眷益隆荐易三駟中居四輔十載臯夔之雅志一時邴魏之休聲行見益登顯庸就正元宰更動台躔之夜色別滿槐庭之曉陰某言貳漕符阻攀劍戟巾幇雖邈鎔鑄知歸元首明而股肱良適邁千齡之會大厦成而燕雀賀第深微物

之誠

代賀除僕射啓

有某伏審肅奉綸言進司鼎鉉伏惟慶慰恭惟某官簪紳間氣社稷宗工忠每有餘乃心在於王室物或失所若已納諸溝中生也篤於自誠衆皆謂其必相果符物色亟允僉俞轍迹所環動植咸遂由是當世不意周召之復生益使斯民知有堯舜之在上坯治更新之美俗旣常有待之元勳而某螽躍徒深鳧超莫遂雖無堪之瑣質何補曲成度未泯之餘齡長觀盛際

賀孫中丞啓

京本
作狀

右某伏審光膺顯命進擢中臺伏惟慶慰恭惟某
官一德博宗千齡感會以天下任結人主知激昂
公忠沮金石而彌勁慷慨論列凜毛髮以生風果
副簡求亟司彈劾未擊方秋之雁鴛隼已空當路之
豺狼上思韓臯之紫宸人畏沈約之白簡紛補名
教障隄澆譎侍聞制麻行即台袞宜有未忘之藥
石益進危言庶因不朽之鼎彝別紀成績

賀彭狀元除中書舍人啓

右某伏審光膺綸制峻直紫垣伏惟歡慶恭以某

官學奧天人識該今昔羣書縱讀俱下數行盛年
決科獨取第一舊想烏臺之風尚晚更軺傳之光
華况是贊書之榮尤為法從之選命兼東星地切
西清非體要不足以擅蜀相之周至丁寧非辭華
不足以追漢人之深厚爾雅宛若成章之雲漢間
則驅號於雷風雖五色雜判以名官然歷代皆寶
而為訓采聞時傑亟副庭食黑頭三公此為階漸
青鏡學士宜愧騰軒某初阻鳧趨最深螽躍登崇
良駿方觀盛世之急材聚會精神竊幸賢人之得
略

賀中書侍郎啓

右某伏審肅奉明綰進升西掖伏惟慶樹恭惟某
官謀經天緯望藹民瞻許國以方寸之赤心得君
於始終之白首揚歷內外雍容事功比丁舜政之
重華適契尹躬之一德扶輪初日使物取中回律
方春與時更始入夜而台符動色么聯而鼎鍊增
安厥惟降平宜在朝暮而某賀深燕雀禮貌巾幘
撫名器而識勲庸觀風雲而知感會行聞警象更
深若濟之旁求願比在鈞度託猶泥之瑣質

賀中書侍郎啓

右某伏審肅奉制麻進司省掖伏惟慶慰恭惟某
官簪紳間氣社稷宗工有古人風號大手筆十年
鷓鷯之綴未始枉尋一日鳳凰之池忽在平步眷
言樞近果屬老成任獻替敷奏以輔吾君兼討論
潤色以率其屬地逼翻階之紅藥人榮揮翰之紫
宸伏望重策要津俯慰輿頌更傍依光之日月亟
持造物之鈞鎔而某蠢曜初深鳧趨尚貌方幸商
周之灑噩再覩熙辰行聞舜禹之都俞別疇茂采
賀中書舍人鼓公啓

右某伏審茂膺中制進陟西臺伏惟慶慰竊以王

言譬諸絲綸天常為之筆舌周公內史尤重贊書
漢號右曹特先文士晉則重當作安于之善名命
楚則觀射父之能訓辭自非望超稠人才掩夙古
則何以高躋青雲之步俯吟紅藥之堦恭惟某官
簪紱清流經綸茂器奮騰科級驚人奚翅於一鳴
灑落辭源寫潤更逾於九里實與名而適副學將
仕以兼優方急代言旋聞瀑直踐青瑣之闥彌覺
地崇窺紫微之垣如在天上數寸之管足以澤當
世五花之判足以輩昔人是為儒者之極榮行當
天下之大任方深頌詠猥辱牋題弗遂鳧趨第勤

各虫曜

賀李左丞出鎮河陽啓

右某伏審懇辭機柄榮展藩麾釋四輔之班聯擁
三城之節制伏惟慶慰恭惟某官學周貫變識際
浩茫文章宗師社稷輕重雖便藩異數契此壯圖
而冲漠高懷悠然勇退未正商巖之律亟有參墟
之行汲長孺卧治淮陽徒迷清禁公子牟心存魏
闕宛在重湖曾未若青雲不繫於去留虛囊獨全
於張翕臨土厚水深之雅俗聯車馳轂擊之近畿
脫屣黃扉息肩畫隼方冥中外於一致自識功名

之兩全其往荷坻埏最深踴躍謂如公者閱天下
之事居多不淹時焉副蒼生之望重起

代賀謝梅孔二學士啓

伏審給尚書之筆初驚對語之鏘洋登道家之山
旋被褒恩之渙渥多士矜式一時輝光伏惟慶慰
恭惟某官秀舉絕塵沉思詣極學覩聖奧經為儒
宗咳唾之餘貴甚珠玉文章所在炯如日星輔臣
初急於名聞天子尚嗟其見晚果緣治博亟造清
華將見承明禁廬大啟身嘉之漸羽陵靈簡悉成
是正之傳益步青雲別吟紅藥敢圖謙借曲逮絨

題好與禮以兼稠感將慙而併集朱明式屆福履
冀綏展挹方賒頌言曷旣

代上江西湖南按察

右某向以薄躬猥當殊眎表臨汝枉舟於謝尚纔
取長哦徐孺子解榻於陳蕃初緣夙望曾未若邈
爾微傾蓋之故惠然出賞音之知求之可人正自
難事伏惟某官沉機叩寂清韻稍微暫辭治府之
故鳥亟耀使衣之孤繡掃弊章貢則新爭歲律滲
澤瀟湘而和滿春風藥瘡疲羸肉骨寃滯瀾襟照
慝當路之材黨悉空鸚褚技材脫穎之錐端立見

要津殆由此始公論孰曰不然況在孱涼更深祈
嚮病樗當道曾勞匠石之觀旁頑石化羊行俟金
華之叱起

龍雲先生文集卷第十三

龍雲先生文集卷第十四

安成劉弁備明

啓

謝發運張龍圖舉大學博士啓

右某伏蒙發運龍圖舉某充大學博士者需章亟
上申以古人特達至到之知黷舍傳驚指為儒者
發揚光大之漸譽浮情外愧溢顏初竊以盛世所
先博士其選矩範後學羽儀衆經爰自秦漢張官
以來蓋承孔孟絕學之後秩比六百石負纒數十
人茲號上庠之游非徒他職之比大則天人之精

後能識小則師父之淵源可知著蔡今昔之危疑
黼藻皇王之憲度公孫仲舒也或牧豕下帷以卒
其業稚圭朱游也亦解頤折角以成其名江公則
世謂詩宗張憑則蓋元作人稱理窟流略雖遠聲容
若存是為清塗何有非據如其者蠹蟬未智技鼠
短能從田偶脫竹白丁規糈殆成於倦客進既弗
能而退或京本未可上則不足而下則京本有餘
一昨謝海邑之沉迷丐主司之披拂兩殫摺京本
步四躡高躔翩然澤國之行尸此學宮之責揣摩
從事僅知戴聖之四興教育非工徒愧孟軻之一

樂而又身與病會齒將衰臨瘠嬰肺終以戰枯秋
入顛毛而化綠再暮涖止百謫樊然間則自充拱
以待斥它日絕交之中散每取深憎當年獨冷之
廣文亦迷初局豈徒孱瑣誤辱推褒茲蓋伏遇發
運龍圖連茹熙辰推轂末路拜轂借京本中央之
所舜陶移苦窳之資有味其言豫為之地耻臧文
之蔽惠同公叔之升僕遂使平生漂泊之餘亦預
當塗考察之獻某敢不夙宵迪檢新故刊精去其
所性之不存期於自信而後已孰謂澗溪沼沚之
品京本或補薦羞庶因胸脅腹背之毛終成羽翮

過此以往未
知所裁卑情無任荷恩銜遇激切知
歸之至

謝運判王司封舉大學博士啓

右某伏蒙運判司封舉某充大學博士任使者排
清漳一作清漳之痾非歧扁之砭劑則無以起綿綴取
大行之道非良樂之銜勒則無以絕阻脩然病客
常見困於折肱京本作服之家駟駿每興悲於按圖之
市以方論薦寧復懸殊惜哉公道之寂寥甚矣仕
圖之旁午詭時者右膏梁而左寒畯逐迹者崇勢
利而羞賤貧用鮑叔知管仲者其誰苦臧文蔽展

禽者皆是自非報吾君而以士囚是人之必求水
鑑九流蘭荃十步觀所主以至於為主舉爾知而
闕其不知諭訛弗奪於朋耶歆艷靡牽於流俗則
何以有功推轂無愧征茅如某者學海盤渦英躔
末駕讀書皆輪扁竊笑之糟粕得祿纔曾參及親
之金鍾往從例試京本作吏試之選負偶寘僅完之膠

舍訓說自效介愚弗移不知者謂我何求無常者
以儒為戲開懷見誠磊落宵次任真者如此而或
不免於浸潤膚受寔儔少與屏棄外物京本作物求畏
事者如此而或見病於蘧蔭戚施歲晚晚而景淹

留神休迫而思紆鬱貌先悴以收渥髮迎憂而送
華孰憐江許之戲麋姑聽衛人之煬竈敢希題品
爰被孱庸既刻之以粹純溫潤之章又挽之以發
揚光大之漸茲蓋伏遇運判司封山玉移潤秋陽
借輝軒軒吾道之主張炯炯此心之明白使扶盧
直鑄無有於廢材而治繹播精亦得以攘臂有所
謂公無私者必本之賢不肖焉某敢不撰念京本
清冰撫躬害馬低昂物變吮嗽聖真抽白簡以寄
崦嵫噉青衿而慨城闕且華陰之士拭劍已拔塵
京本作沈蹤而海客之槎到天庶非虛觀過此以往未

知所裁卑情無任云云

代李令謝舉升擢啓

得邑海壖竊食浸聞於冒昧論材宸陛飛章忽預
於鑄評賜越溢以驟加愧茫洋而交集直古之設
官也以當職為務而縣之有令也蓋得人尤難委
之或輕弊亦隨至厥惟西門子賤之既往間以中
牟洛陽之嗣興長才比肩健吏方駕卓爾擅故家
餘京本遺俗之美休然有君子長者之風敏手運於
擾擾之末流利刃游於恢恢之餘地廉遜脩而爭
訟息篤實長而薄惡消仁興未冠之童暴革不羈

之獸烟火相臨

京本作隣

之郊無犬吠之警麻麥微步

之運而有雉馴之娛洪惟我朝尤慎茲選或給札於遣行之日以諭其意或滂詔於視治之地以要其能桑榆舒樂歲之暉灌溉禔時雨之潤罷庸不振者至俟之以黜責而去不旋踵強果自效者或拔之倥偬而起如奮毛朝躋墨綬之下陳文駭朱轡之華觀雖由三歲之綿歷亦有一昔之階緣自非物論奄歸官箴彌惕平日去偷脫苟簡之累大吏加特達至到之知則何以上當薦延坐俟驅策如某者侏儒散質樗櫟下材偶緣世及之私遂獵

俸餘之養視營營而若喪期效一官歲冉冉而不留行逾二紀之剗劇撥煩之敏貽包羞尸素之譏綆以深汲而亟窮爍或小明而鮮繼士元驥足孰敢自名言偃牛刀初不知措效顰無補失伍幾多方虞瘼曠之徹聞豈意獎憐之誤及貂不足而續狗尾雅既終而奏鄭聲茲蓋伏遇某官格物以公不以私事君以人不以己泰茅引類鄒律敷和成裘無間於貂蟬構厦弗遺於楛櫟急其小善被之先容其敢不亶亶率循兢兢迪畏孰謂脩途之步更託其初庶幾順風之呼卒因於勢過此以往未

知所裁

代回廣州蔣待制啟

伏審光奉渥恩進聯法從伏惟慶慰竊以儒臣妙
選延閣清班宸翰粲於奎鉤寶構矗於天漢稽故
事以張局緣美名而命官舊稱華塗最重昭代厥
拜嘉寵莫先高流恭以某官識際幾初學臻聖處
筆端泛灑如合膚寸於泰山襟韻曠夷能吞八九
於雲夢五車經日以殆盡三第比歲而連收暫歷
烏臺臬鸞自判晚更龍節貫粒取盈一昨輟局淮
濡偃藩嶺服方詩書而謀元帥俄尊俎以折遐衝

妖巢殄覆以無邊秋杳寂寥而不警言巖絕一閱績
已四聞雖望之意在本朝尚紆民寄而薛宣身兼
數器素結主知果副推褒亟躋嚴近正應不測之
大用宜亦可料於此行首沐沖私過騰柔翰永言
銘篆交迫悃悃

回廣州蔣待制啟

伏審祇奉明縉榮升內閣伏惟慶慰竊以儒臣之
選待制乃達官御書所藏寶文為近事上做龍圖
天章之號至比金馬玉堂之游文物相望於百年
將相此出者大半自非擅天下譽結人主知則何

以驚疑厲昌辰雍容法從恭以其官學臻聖闡望
藹朝紳智其存物之所為厚也有功而不德椽筆
馳騁連捷三科輶車光華苻更數路霜臺舊傾於
風采澤國晚最於輸將頃者加直禁廬出藩南服
珍披猖之妖黨奪氣魄於裔蠻徼旃夜況海瀾秋
晏龔遂之出為渤海固欲安之汲黯之卧治南陽
今君召矣果躋清切俾究將明以是知公論所歸
斯可為大用之驗某阻趨旌榮竊快風雲曲踊茲
多誦言曷既

代賀發運朝請啓

右某伏審祗膺明陞榮擢計權伏惟慶尉恭惟某
官器幹淹詳聲猷藹茂東天子之眷知為有舊閱
生民之利疚為已多西指陝郊劇部方新於泥檢
南還淮服故吏重識於芝眉光華六路之提封絡
繹萬艘之轉餉隆最佇成於入奏清班別副於寵
陞某幸以瑣材猥居屬部悵鳧趨之尚阻起蚤躍
以居深式屆高秋冀精視履

代起居李公擇

竊伏台符荐更歲籥名弗通於紹介迹初遠於門
墻恭以某官雅量鎮浮况謀詣極翔翔瓊闥青雲

何啻於二十年。酣疑泳衆家藏書。殆逾於數萬卷。
力張忠膽以許國。如有愛心之在人。方且階次於
民曹。行見指期於鈞席。某屬當嚴總。居竊隆休未
申。伏闡之私第。結蔭雲之想。歲陰茲晏。治府方遙。
尚覬保綬式符。倚注

代與文龍圖啓

欽風有自。展敬無從。歧墻仞之崇隆。覺魂爽之飛
越。恭以某官。著蔡王度。箕裘相家。藹茂聲猷。高出
近古。慷慨忠義。度越衆人。翹然廊廟之材。焯是圖
書之府。行膺霄爽。早正鈞除。下副輿情。力張元化。

某因循歲月。飄泊江湖。未申伏闡之私。徒結蔭雲
之想。微和式石。尚冀節宣。

賀范發運啓

伏審肅將使指。總制邦儲。六略盡入於提封。雙節
載華於初命。伏惟慶慰。恭以某官。臯稷帝世。常平
相門。朝推氣尚之激昂。衆識事為之開濟。果膺乃
眷。亟有此除。劉晏資半菽之饒。韓華條屯之利。
用方盛際。宜愧後功。流馬木牛。更衍萬倉之紅粟。
鸞坡鳳城。別回一日之青雲。某承乏江干。竊輝淮
服。悵鳧趨之莫送。第山仰以交深。

問侯穎昌府曾資政啓

緬邈東南猥將使指侵尋歲月阻奉台規歧墻仞
之崇隆覺魂幹之飛越恭惟某官星躔符彩嶽鎮
炳靈經國壯猷蓋嘗羞比於管晏傳家盛業不復
多謝於韋平頃輟煩機寢更外補雖古諸侯之任
暫屈於遠圖而舉天下之情猶欲其再相想符夢
肖亟處師瞻庶期蒲柳之衰安亦齒鈞鎔之故物
春容晚晚邦政靖嘉尚冀導順倍叢多祉

回李允先輩啓

伏審發策廣庭影纓初仕伏惟慶慰國家張闡文

物登崇俊髦既有學校以閱成材又即山林而起
潛德萃珍羣於振鷲符利見於飛龍自非器茂經
綸識該貫變則何以奮青雲於初步償素志於當
年恭惟某人翰墨高流縑緗積學梗楠杞梓久擅
鄉材珪璧琮璜果登國器不待抱玉之三獻 遽有
驚人之一鳴敢圖曲借於冲私輒辱先紆之盛禮
敷陳曷既篆刻居深

回程安行先輩啓

伏審發下同李允自非下筆不休干雲直上則何
以奮鏘洋之大對收翕赫之壯圖恭惟某人貫變

通材經綸茂器當年鄉曲已試仲容之青雲今日
姓名果慶郊誥之丹桂行看穩步別擅要津敢圖
曲借於冲私輒逮先紆之盛禮文陳曷既篆刻斯
深

回李介經明行脩啓

伏審發策廣庭影纓初仕伏惟慶慰國家張闡文
物登崇峻髦豈惟塲屋之選以盡人材亦有草澤
之求以慰民望鶴書式覩於四出蕙帳至為之一
空自非究六學博大之指歸揭終身粹完之持守
則何以激揚頽俗奮發通津恭以某人學茂經綸

識窮通變竹箭之美舊擅東南月旦之評素高鄉
里興如豪傑之不待論與秀造而並升一時輝光
多士矜式敢謂冲私之曲借輒辱柔翰之先紆篆
刻徒深文陳曷既

代回張建昌啓

伏審光奉宸綸亟還朝籍伏惟慶慰恭以某官清
規格物遠器適時奮揚昌辰綿歷臚仕出使兩路
間裕九年之儲守邦一麾坐周千里之賜共惜雲
衢之鍛翼果聞天陛之飛書大人初得於困亨北
叟竟成於後福要洋始此公論翕然方竊抃於騫

翔輒先紆於繕染永懷謙借第切銘藏 云云

回知府黃待制啓

伏審茂膺中制就易雄藩慰安遠民快愜輿望恭惟某官朝闈華貫學海高流厚重鎮當世之浮公忠得古人之粹再期江夏懷不挽之鄧侯千里豫章得方來之杜母適幸親於台範輒先枉於騰音眷獎兼隆篆銘斯極式臨煩渥尚冀遵頤

問候趙給事啓

伏自此違台範更易歲華大厦將成燕雀知賀青天莫覩雲霧徒披第搖向往之心旌居竊冲融之

德蔭恭惟某官學躬貫變識洞洪微頃以將明之材亟當封駁之選任當世之所不次心古人之所至難行因瑣闈式正鈞席某輸將遠外觀對差池冀慎歌煩以極榮寵

賀新提點朝散啓

伏審光奉俞恩就更使領伏惟慶慰恭以某官淹通翰局鵠茂聲猷平生以忠義自持所至而民物受賜果從郡寄爰督治司數路撫封發賢人之蘊未究一朝聯事而拙者之幸固多行挹標規劇深栖倚

謝鼎州知郡朝散啓

伏審言就剛辰竭臨劇郡辱先紆之榮訊認載抑
之冲私恭以某官風力敏強事為開爽雖伏熊之
軾暫屈一方而解牛之刀初有餘地佇聽袴襦之
歌暮別符綸綍之發中未卜披承第深企竦

代賀傳漕啓

轉提刑

伏審茂膺中詔就易行臺伏惟慶慰恭惟某官膈
臆嘉猷激昂撫任屢試煩使連收最聲嚴節暫持
雅俗早新於吳會除書適至和氣先滿於章瀕二
千石而下竦聞其風數十城之廣行受其賜其繆

先驅策辱契交承知即遂於瞻疑從載深於飲踴

京本作
歡曜

代劉漕回興國軍朱朝請啓

伏審輒去懷於北鷁反初服於南麾入境承流消
辰就事悵搖棕之未控恍柔翰以先披好與禮稠
感將愧集恭惟某官慧機敏給智局淹通勇往事
功力開經濟風流十郡暫虛行步之憺惟惠愛一
方重識班春之盡隼尚鬱輿論行需寵褒涼序式
中珍頤是冀

回知軍內翰啓

嚴密省垣官繞曠免浩煩計局恩輒誤蒙揆京本
期適及於剛辰貽獎亟飛於柔翰好先鈴閣京本
榮動瞻惟伏惟某官翰墨高流簪紳華貫鷄香故
在西清十稔京本之舊游熊軾暫更南服一時之
茂最公論猶鬱寵躋可期方抃懌以裝懷第瞻疑
而寫睇朱明式屆福履宜綬

賀正狀 與吉州吳守

伏以律鳳宜和星龍還次新百常於周闕標七始
於漢歌恭惟知郡朝請絢彩南輦疑姿東箭水蘊
夙資於政檢袴襦久洽於民謠下車以來奏課連

最茲肇臨於上日宜叢嚮於神祺某紹綴學宮阻
陪壽筭第辛維桑之莛更深俾艾之祈欣願交中
文陳曷既下情無任激切祝頌之至

賀冬狀

伏以天統符正陽明應海鑿冲冰於涸谷回愛日
於高躔伏惟知郡朝散肅括風猷淹通噐局殿邦
樂愷子俗慈祥雖迎刃全牛尚淹歲晚而班春畫
隼豫動物和正應福祿有歸是為神明所勞而某
簪紳忝契桑梓寄齡邈爾一觴初未償於展慶篤
茲多枯徒有禱於適今下情 云云

謝升擢啓

竭來海角寢貌使麾每深桑梓之慕徒積簡書之
畏望南雲而結想便甚渴飢悵西園之游從如限
天壤忽兮歲月之云邁移時竿牘之不脩永言曠
稽孰任誅譴重念不肖初非賈生王褒之爽技作
快閣下每有河南蜀郡之獎憐略其單平抗以閑
大濫吹曲矜於奏技覆瓿亦許其成書攬轉蓬於
衝颺而致爬搔瞰營蟻於漏壤而加培擁北海笑
傲客緣滿座而見收荊州風流士以一識而為快
厥惟孱陋敢廢凌兢伏惟閣下泰宇鎮浮陰名簿

隱換卽曹之清秩控江表之上流理魚并於循顧
之間運千里於談笑之暇脩廉遜而息器訟長篤
實而清宿茲早聞來暮之歌尚屈行春之蓋市燕
之骨宜不負於脩塗假虞之珍行見反於內府水
陸空曠鈴齋靜深伏冀寢饋倍加神爽

賀提刑轉官啓

代人

伏審光奉渥恩榮躋顯秩攝卽曹而高紹快輿議
以增輝伏惟慶慰恭惟某官肅括風稜淹通器局
著蔡王度箕裘相家照憲載湛於瀾襟申滯殆空
於壯戶果從綿歷式副甄升前賀搖懷方遡高遙

疑之嚴節駢來異數行占別召之追鋒

回謝知府熊待制啓 代人

鴻負時事粗獲於消辰使規望塵每深於注想
圓函之未控况疾置以先披好與禮綢感將愧集
伏惟某官飛龍箬渚撫駕蓬山任當世之所不為
心古人之未嘗到一麾隣壤不殊畫錦之榮千里
聞風已極歌襦之慶快容聲之方邇戢慶并以徒
深冒涉之餘安緩是冀

回知郡賀上啓 代人

漕事適將官期亟赴交承伊始抽前未遑豈遐置

之弗忘顧柔滕之先及綢繆盛禮想身於高懷
爛英文曲形於外獎仰惟鄭重第切感銘行理則
煩冀承葆練

回謝知郡啓 代人

省曹承乏猥厠清流江右觀風輒持嚴節方且永
懷於標矩豈期亟布於絨滕伏惟某官學涉淹通
幹能強濟光華數路之命東自上心警戒京本
篇之詩播在人口行違匪辱之表佇傾揮塵之談
畏茲隆珍尚覲願春

回通判啓

遠持龍節出布寬恩上直斗牛猥當煩使適清辰
而就事辱流問以前期藹然聲容實在緗縹篆懷
斯極染牘奚殫鮑是被風勉哉視履

龍雲先生文集卷第十四

